

**ს ა ქ ა რ თ ვ ე ლ ო**  
**ქალაქ ფოთის მუნიციპალიტეტის საკრებულო**  
**იურიდიულ, სამანდატო, საპროცედურო საკითხთა და ეთიკის კომისია**

---

ოქმი N6

“12” აპრილი 2019 წელი.

სხდომას თავმჯდომარეობდა კომისიის თავმჯდომარე: ხვიჩა ცხვიტარია.

სხდომას ესწრებოდნენ: კომისიის წევრები-დავით კვიციანი, ოლეგი ნაჭყებია, თამარ თოფურია.

მოისმინეს: ინფორმაცია, ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის სხდომის დღის წესრიგის შესახებ.

დღის წესრიგი:

1. ქალაქ ფოთის მუნიციპალიტეტის მერის მიერ წარმოდგენილი საკრებულოს განკარგულების პროექტის “თვითმმართველი ქალაქის-ფოთის (თვითმმართველი ერთეულის) მიერ დაფუძნებული და ადგილობრივი ბიუჯეტის დაფინანსებაზე მყოფი არასამეწარმეო(არაკომერციული) იურიდიული პირების მოსამსახურეთა თანამდებობრივი სარგოების ზედა ზღვრის განსაზღვრის შესახებ“ თვითმმართველი ქალაქის-ფოთის საკრებულოს 2012 წლის 26 დეკემბრის N27/141 განკარგულებაში ცვლილებების შეტანის თაობაზე“ შესახებ.
2. ქალაქ ფოთის მუნიციპალიტეტის მერის მიერ წარმოდგენილი საკრებულოს განკარგულების პროექტის „ქალაქ ფოთის მუნიციპალიტეტის მერისათვის არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სასპორტო საგანმანათლებლო დაწესებულებათა გაერთიანების“, არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სახელოვნებო ცენტრის“, არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის ტურიზმის განვითარების ცენტრის“ რეორგანიზაციაზე (გაერთიანებაზე) და რეორგანიზაციის (გაერთიანების) საფუძველზე არასამეწარმეო (არაკომერციული) იურიდიული პირის- ქალაქ ფოთის მუნიციპალიტეტის სპორტის, კულტურის და ტურიზმის ცენტრის დაფუძნებაზე თანხმობის მიცემის შესახებ“ თაობაზე.
3. ქალაქ ფოთის მუნიციპალიტეტის მერის მიერ წარმოდგენილი საკრებულოს განკარგულების პროექტის „ქალაქ ფოთის მუნიციპალიტეტის მერისათვის არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სოციალური და სამედიცინო რეაბილიტაციის ცენტრის“, არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სოციალური კვლევის ცენტრის“ რეორგანიზაციაზე (გაერთიანებაზე) და რეორგანიზაციის (გაერთიანების) საფუძველზე არასამეწარმეო (არაკომერციული) იურიდიული პირის - ქალაქ ფოთის მუნიციპალიტეტის სოციალური და მუნიციპალური მომსახურების ცენტრის დაფუძნებაზე თანხმობის მიცემის შესახებ“ თაობაზე.
4. ქალაქ ფოთის მუნიციპალიტეტის მერის მიერ წარმოდგენილი საკრებულოს განკარგულების პროექტის „ქალაქ ფოთის მუნიციპალიტეტის მერისათვის, არასამეწარმეო (არაკომერციული) იურიდიული პირის - „ქალაქ ფოთის

მუნიციპალიტეტის სახელოვნებო სამხატვრო სასწავლებლის“ დაფუძნებაზე თანხმობის მიცემის შესახებ“ თაობაზე.

/მომხს: ოლეგი ნაჭყებია - იურიდიულ, სამანდატო, საპროცედურო საკითხთა და ეთიკის კომისიის თავმჯდომარის მოვალეობის შემსრულებელი/

აზრი გამოთქვას კომისიის წევრებმა: დავით კვიციანმა, ოლეგი ნაჭყებია, თამარ თოფურიამ.

დაადგინეს: დამტკიცდეს იურიდიულ, სამანდატო, საპროცედურო საკითხთა და ეთიკის კომისიის სხდომის დღის წესრიგი წარმოდგენილი სახით.

კენჭისყრის შედეგები:

მომხრე -----4

წინააღმდეგი ----- 0

მოისმინეს:

ინფორმაცია, ქალაქ ფოთის მუნიციპალიტეტის მერის მიერ წარმოდგენილი საკრებულოს განკარგულების პროექტის “თვითმმართველი ქალაქის-ფოთის (თვითმმართველი ერთეულის) მიერ დაფუძნებული და ადგილობრივი ბიუჯეტის დაფინანსებაზე მყოფი არასამეწარმეო(არაკომერციული) იურიდიული პირების მოსამსახურეთა თანამდებობრივი სარგოების ზედა ზღვრის განსაზღვრის შესახებ“ თვითმმართველი ქალაქის-ფოთის საკრებულოს 2012 წლის 26 დეკემბრის N27/141 განკარგულებაში ცვლილებების შეტანის თაობაზე“ შესახებ.

აზრი გამოთქვას კომისიის წევრებმა: დავით კვიციანმა, ოლეგი ნაჭყებია, თამარ თოფურიამ, ხვიჩა ცხვიტარიამ.

დაადგინეს:

1. საქართველოს ზოგადი ადმინისტრაციული კოდექსის 63-ე მუხლის პირველი ნაწილის შესაბამისად, ადმინისტრაციულ-სამართლებრივ აქტში ცვლილების ან დამატების შეტანის უფლება აქვს მის გამომცემ ადმინისტრაციულ ორგანოს. ამდენად, ქალაქ ფოთის მუნიციპალიტეტის საკრებულო უფლებამოსილია ცვლილება შეიტანოს “თვითმმართველი ქალაქის-ფოთის (თვითმმართველი ერთეულის) მიერ დაფუძნებული და ადგილობრივი ბიუჯეტის დაფინანსებაზე მყოფი არასამეწარმეო(არაკომერციული) იურიდიული პირების მოსამსახურეთა თანამდებობრივი სარგოების ზედა ზღვრის განსაზღვრის შესახებ“ თვითმმართველი ქალაქის-ფოთის საკრებულოს 2012 წლის 26 დეკემბრის N27/141 განკარგულებაში. რაც შეეხება ქალაქ ფოთის მუნიციპალიტეტის მერის მიერ წარმოდგენილ საკრებულოს სამართლებრივი აქტის პროექტის დასაბუთებასა და მიზანშეწონილობას, აღნიშნულ საკითხთან დაკავშირებით პასუხისმგებლობა ეკისრება პროექტის ავტორს.
2. მიღებულ იქნას კომისიის დასკვნა თანდართული სახით.

მოისმინეს:

ინფორმაცია, ქალაქ ფოთის მუნიციპალიტეტის მერის მიერ წარმოდგენილი საკრებულოს განკარგულების პროექტების:

1. „ქალაქ ფოთის მუნიციპალიტეტის მერისათვის არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სასპორტო საგანმანათლებლო დაწესებულებათა გაერთიანების“, არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სახელოვნებო ცენტრის“, არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის ტურიზმის განვითარების ცენტრის“ რეორგანიზაციაზე (გაერთიანებაზე) და რეორგანიზაციის (გაერთიანების) საფუძველზე არასამეწარმეო (არაკომერციული) იურიდიული პირის- ქალაქ ფოთის მუნიციპალიტეტის სპორტის, კულტურის და ტურიზმის ცენტრის დაფუძნებაზე თანხმობის მიცემის შესახებ“ თაობაზე.
2. „ქალაქ ფოთის მუნიციპალიტეტის მერისათვის არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სოციალური და სამედიცინო რეაბილიტაციის ცენტრის“, არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სოციალური კვლევის ცენტრის“ რეორგანიზაციაზე (გაერთიანებაზე) და რეორგანიზაციის (გაერთიანების) საფუძველზე არასამეწარმეო (არაკომერციული) იურიდიული პირის - ქალაქ ფოთის მუნიციპალიტეტის სოციალური და მუნიციპალური სერვისები ცენტრის დაფუძნებაზე თანხმობის მიცემის შესახებ“ თაობაზე.

აზრი გამოთქვეს კომისიის წევრებმა: დავით კვიციანმა, ოლეგი ნაჭყებამ, თამარ თოფურიამ, ხვიჩა ცხვიტარიამ.

დაადგინეს:

1. საქართველოს ზოგადი ადმინისტრაციული კოდექსის 53-ე მუხლის პირველი ნაწილის შესაბამისად, წერილობითი ფორმით გამოცემული ინდივიდუალური ადმინისტრაციულ-სამართლებრივი აქტი უნდა შეიცავდეს წერილობით დასაბუთებას. წარმოდგენილი განკარგულების პროექტით არ არის დასაბუთებული ის გარემოება, რომ თუ, რატომ უნდა მოხდეს ზემოხსენებული არასამეწარმეო (არაკომერციული) იურიდიული პირების რეორგანიზაცია, კერძოდ: დეტალურად არ არის გაშიფრული და დასაბუთებული თუ, რამდენით მცირდება საბიუჯეტო ხარჯი, საშტატო რიცხოვნობა, რას გამოიწვევს აღნიშნული ცვლილებები, რა ეფექტი ექნება აღნიშნულ ცვლილებას მუნიციპალიტეტის ორგანოების საქმიანობაზე. ამდენად, განკარგულების პროექტი ეწინააღმდეგება საქართველოს ზოგადი ადმინისტრაციული კოდექსის 53-ე მუხლის პირველი ნაწილის მოთხოვნებს. საქართველოს ზოგადი ადმინისტრაციული კოდექსის 96-ე მუხლის პირველი ნაწილის შესაბამისად, ადმინისტრაციული ორგანო ვალდებულია

ადმინისტრაციული წარმოებისას გამოიკვლიოს საქმისათვის მნიშვნელობის მქონე ყველა გარემოება და გადაწყვეტილება მიიღოს ამ გარემოებათა შეფასებისა და ურთიერთშეჯერების საფუძველზე. განკარგულების პროექტის შეთანხმების ფურცელზე არ არის იმ არასამეწარმეო (არაკომერციული) იურიდიული პირების წარმომადგენლობაზე უფლებამოსილი პირების (დირექტორები) ხელმოწერა, რომელთა რეორგანიზაცია უნდა განხორციელდეს, ამასთანავე, განკარგულების პროექტის განმარტებით ბარათში არ არის დაფიქსირებული ზემოხსენებული პირების პოზიცია, მოსაზრება. ამდენად, განკარგულების პროექტის შედგენისას არ არის გამოკვლეული საქმისათვის მნიშვნელობის მქონე ყველა გარემოება, შესაბამისად, განკარგულების პროექტი ეწინააღმდეგება საქართველოს ზოგადი ადმინისტრაციული კოდექსის 96-ე მუხლის პირველი ნაწილის მოთხოვნებს.

საქართველოს ზოგადი ადმინისტრაციული კოდექსის 95-ე მუხლის მე-2 ნაწილის შესაბამისად, ადმინისტრაციული ორგანო ვალდებულია ადმინისტრაციული წარმოების დაწყების შესახებ აცნობოს დაინტერესებულ მხარეს. განკარგულების პროექტიდან (განმარტებითი ბარათი და სხვა) არ ჩანს, რომ არასამეწარმეო (არაკომერციული) იურიდიული პირებს ეცნობათ რეორგანიზაციის პროცესის დაწყების შესახებ, ამდენად, განკარგულების პროექტი ეწინააღმდეგება საქართველოს ზოგადი ადმინისტრაციული კოდექსის 95-ე მუხლის მე-2 ნაწილის მოთხოვნებს.

ზემოხსენებულიდან გამომდინარე, მიზანშეწონილია, განკარგულების პროექტი დაუბრუნდეს ქალაქ ფოთის მუნიციპალიტეტის მერს შემდეგი სრულყოფის მიზნით.

2. მიღებულ იქნას კომისიის დასკვნა თანდართული სახით.

მომხრე ----- 4

წინააღმდეგი ----- 0

მოისმინეს:

ინფორმაცია, ქალაქ ფოთის მუნიციპალიტეტის მერის მიერ წარმოდგენილი საკრებულოს განკარგულების პროექტის „ქალაქ ფოთის მუნიციპალიტეტის მერისათვის, არასამეწარმეო (არაკომერციული) იურიდიული პირის - „ქალაქ ფოთის მუნიციპალიტეტის სახელოვნებო სამხატვრო სასწავლებლის“ დაფუძნებაზე თანხმობის მიცემის შესახებ“ თაობაზე.

აზრი გამოთქვეს კომისიის წევრებმა: დავით კვიციანმა, ოლეგი ნაჭყებამ, თამარ თოფურია, ხვიჩა ცხვიტარია.

დაადგინეს:

საქართველოს ზოგადი ადმინისტრაციული კოდექსის 53-ე მუხლის პირველი ნაწილის შესაბამისად, წერილობითი ფორმით გამოცემული ინდივიდუალური

ადმინისტრაციულ-სამართლებრივი აქტი უნდა შეიცავდეს წერილობით დასაბუთებას. წარმოდგენილი განკარგულების პროექტით არ არის დასაბუთებული ის გარემოება, რომ თუ, რატომ უნდა შეიქმნას აღნიშნული არასამეწარმეო (არაკომერციული) იურიდიული პირი, აქვე აღსანიშნავია, რომ განკარგულების პროექტით გათვალისწინებული ფუნქციის იურიდიული პირი ქალაქ ფოთის მუნიციპალიტეტს უკვე დაფუძნებული აქვს. ამასთანავე, დასადგენია, არასამეწარმეო (არაკომერციული) იურიდიული პირის შექმნის შედეგად, ხომ არ იზრდება მუნიციპალიტეტის ხარჯები, ამდენად, წარმოდგენილი განკარგულების პროექტი ეწინააღმდეგება საქართველოს ზოგადი ადმინისტრაციული კოდექსის 53-ე მუხლის პირველი ნაწილის მოთხოვნებს.

ამასთანავე, მიზანშეწონილია, საკრებულომ განიხილოს ქალაქ ფოთის მუნიციპალიტეტის მერისათვის, ქალაქ ფოთის მუნიციპალიტეტის სახელოვნებო სამხატვრო სასწავლებლის დაფუძნებაზე თანხმობის მიცემის საკითხი, თუ, აღნიშნული სასწავლებელი (კოლეჯი) დაფუძნების შემდეგ გონივრულ ვადაში გაივლის ავტორიზაციას „პროფესიული განათლების შესახებ“ საქართველოს კანონის 26-ე მუხლის შესაბამისად და აღნიშნული გარემოება გათვალისწინებულ იქნება საკრებულოს განკარგულების პროექტში.

აღნიშნულიდან გამომდინარე, მიზანშეწონილია, განკარგულების პროექტი დაუბრუნდეს ქალაქ ფოთის მუნიციპალიტეტის მერს შემდეგი სრულყოფის მიხნით.

მომხრე ----- 4

წინააღმდეგი ----- 0

კომისიის თავმჯდომარე



ხვიჩა ცხვიტარია